

07-09-2017

PRIMLJENO: 07-09-2017			
Organizaciona jedinica	Neslužbena oznaka	Kredni broj	Broj priloga
01-	50-1-	15-51/17	

ZA 51. SJEDNICU PREDSTAVNIČKOG DOMA

Vezano za tačku dnevnog reda br. 87 koja glasi: Izvještaj o aktivnostima u vezi sa izgradnjom Pelješkog mosta i dešavanjima u vezi sa izgradnjom mosta na Savi kod Svilaja, podnosilac: Ministarstvo komunikacija i prometa BiH (realizacija poslaničke inicijative usvojene na 49. sjednici Predstavničkog doma, održanoj 05.07.2017.), akt broj: 01-50-1-1474/17, od 25.07.2017.

Predlažemo da se usvoji deklaracija koja se nalazi u prilogu.

ZASTUPNICI:

- | | |
|----------------------------|---------------------|
| 1. Šeremet Mehmedović | 18. Joković Jelko |
| 2. Fazlić Amir | 19. Senad Seprić |
| 3. Safet Džemalović | 20. SAĐIK AHMETOVIĆ |
| 4. Kapićević Mehmed | 21. Muhadžić |
| 5. Ramić Karim | 22. ... |
| 6. Azim Sarelić | 23. ... |
| 7. Sofro Džadžević | 24. ... |
| 8. ... | |
| 9. Medic M. | |
| 10. Amir Beirović | |
| 11. ... | |
| 12. Čeraga Ruža - Tražalić | |
| 13. ... | |
| 14. Jasmin Emrić | |
| 15. ... | |
| 16. ... | |
| 17. ... | |

Imajući u vidu da su prava suverenih država na kopnu, u zraku i na moru jasno i precizno utvrđena konvencijama Ujedinjenih naroda

Izražavajući zabrinutost zbog najave skorog početka izgradnje Pelješkog mosta od strane Republike Hrvatske bez službenog dogovora sa Bosnom i Hercegovinom i u okolnostima neuređene državne granice između Bosne i Hercegovine i Republike Hrvatske;

Svjesni štete koju izgradnja pomenutog mosta može imati po odnose između Bosne i Hercegovine i Republike Hrvatske i po korištenje suverenih prava Bosne i Hercegovine sukladno odredbama Konvencije Ujedinjenih naroda o pravu mora;

Naglašavajući važnost i posebnu potrebu da se istakne i javno podrži status Bosne i Hercegovine kao pomorske države koja uživa sva prava kao i ostale pomorske države na svijetu;

Protiveći svim radnjama koje za cilj mogu imati umanj enje ili potpuno dokidanje suverenih prava Bosne i Hercegovine na moru;

Pozivajući, podržavajući i zalažući se za dobrosusjedske odnose sa Republikom Hrvatskom na principima uzajamnog uvažavanja i poštivanja te dogovaranja u skladu sa praksom na međunarodnom planu u sličnim slučajevima;

Na osnovu člana IV. 4 (e) Ustava Bosne i Hercegovine i člana 165. stav (2) tačka a) Poslovnika Predstavničkog doma Parlamentarne skupštine Bosne i Hercegovine (Službeni glasnik BiH“, br. 79/14, 81/15 i 97/15) Predstavnički dom Parlamentarne skupštine Bosne i Hercegovine je na _____ sjednici, održanoj ____ . ____ 2017. godine, usvojila

DEKLARACIJU

Deklaracijom:

1. Utvrđujemo javno da je Bosna i Hercegovina pomorska država koja ima svoje teritorijalno more te ostala pripadajuća prava u skladu sa svojim statusom, a prema Konvenciji Ujedinjenih naroda o pravu mora, a što se posebno odnosi na potpuno slobodan i ničim ometan pristup spoj/priključak teritorijalnog mora Bosne i Hercegovine na međunarodne vode (otvoreno more) u kojem se ne primjenjuje režim „neškodljivog prolaza“, kao ni režim „tranzitnog prolaza“, nego se primjenjuje režim slobodne plovidbe i komunikacije (potpuno isti kao u međunarodnim

vodama) za sve vrste plovila, prelijetanje aviona i polaganje podmorskih kabela;

2. Pozivamo nadležne organe Republike Hrvatske, odnosno Evropske unije da bez odlaganja obustave sve radnje koje za cilj mogu imati umanjeње ili potpuno dokidanje suverenih prava Bosne i Hercegovine na moru, a što se posebno odnosi na najavu početka izgradnje Pelješkog između tzv. Malog Mora (produžetka Neretvanskog kanala jugoistočno od luke Ploče) i Kanala Malog Stona;
3. Pozivamo nadležne organe Republike Hrvatske, odnosno Evropske unije da se hitno uključe u bilateralne razgovore sa Bosnom i Hercegovinom a radi postizanja bilateralnih rješenja u pogledu razgraničenja na moru na principima uvažavanja suverenih prava Bosne i Hercegovine na moru;
4. Pozivamo Predsjedništvo Bosne i Hercegovine i Vijeće ministara Bosne i Hercegovine da u slučaju da se u roku od 60 dana od dana stupanja na snagu ove deklaracije ne postignu bilateralna rješenja sa Republikom Hrvatskom, odnosno Evropskom unijom, da se preduzmu sve neophodne pravne radnje diplomatskim putem prema Republici Hrvatskoj, odnosno Evropskoj uniji u pogledu *zaštite suverenih prava Bosne i Hercegovine na moru, donošenje posebnog Zakona o moru Bosne i Hercegovine i pokretanje pravnih procedura pred međunarodnim pravosudnim instancama*;
5. Ukazujemo Republici Hrvatskoj, odnosno Evropskoj uniji na potrebu dosljedne primjene pravila međunarodnog prava u pogledu utvrđivanja suverenih prava Bosne i Hercegovine na moru;
6. Pozivamo medije da se sveobuhvatno, interdisciplinarno i interaktivno uključe u aktivnosti odbrane suverenih prava Bosne i Hercegovine na moru na bazi argumentiranih činjenica;
7. Pozivamo sve nadležne institucije na svim nivoima vlasti u Bosni i Hercegovini na koordinaciju aktivnosti u pogledu zaštite suverenih prava Bosne i Heregovine na moru;
8. Ova deklaracija stupa na snagu danom donošenja, a objaviće se u "Službenom glasniku Bosne i Hercegovine".